



**2007/2008ko BIGARREN HEZKUNTZAKO
KATEDRADUN ETA IRAKASLEEN, LANBIDE
HEZIKETAKO IRAKASLE TEKNIKOEN, HIZKUNTZA-
ESKOLA OFIZIALETAKO KATEDRADUN ETA
IRAKASLEEN, MUSIKA ETA ARTE ESZENIKOKO
KATEDRADUN ETA IRAKASLEEN ETA DISEINUKO
KATEDRADUN ETA IRAKASLEEN KIDEGOETAKO
FUNTZIONARIOAK LEKUALDATZE-LEHIAKETA**

INFORMAZIO-OHARRA

Deialdia argitarara ematen den BEHIN-BEHINEKO data:

- 2007ko azaroaren 27ko EHAA.

Eskaerak aurkezteko BEHIN-BEHINEKO epea:

2007ko azaroaren 28tik abenduaren 17ra bitartean, biak barne.

Komeni da interesatuek parte hartzeko eskaeraren kopia bat gordetzea, data jarrita eta zigilatua.

Eskaerak aurkezteko tokia:

Hezkuntza, Unibertsitate eta Ikerketa Saileko Lurralde Ordezkaritzetan edo Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legeak, urtarrilaren 13ko 4/1999 Legeak sartzen dituen aldaketekin, 38.4. artikuluan aipatzen dituen egoitzetako edozeinetan.



Eskaeren formatua eta betetzeko era:

Eskaera guztiak eredu ofizialari (XIII. eranskina) lotuko zaizkio, jarraian adierazten den legez lortu ahal izango duzuen:

- Hezkuntza Lurralde Ordezkaritzetan, Langileriaren Kudeaketarako Zuzendaritzan, baita Hezkuntza Sailaren web orrian ere:
www.hezkuntza.ejgv.euskadi.net>[Langileak](#)>[Pertsonal Hornikuntza-Irakasleak](#)>[Iekualdatze-lehiaketak](#).
- Internet-en bidez. Horretarako, posta pertsonalizatuaren klabeak irakasle.net. esparruan ([Internet-en altan ematea eskatzeko](#)) izan beharko dira deialdia EHAA n argitara ematen den datan.

Ikastetxeak edota herriak eskatzeko, normalizatutako eredu erabili beharko da derrigorrean eta ez dira eredu horren fotokopiak baliagarritzat joko.

Eskaera betetzeko, argibideen XIII. eranskinean adierazitakoaren arabera jokatu da. Halaber, eskaera-inprimakiak atzeko aldean sartzen dituen argibideak ere hartuko dira kontuan.

Puntuazioa mantentzea:

2006ko urriaren 26ko aginduaren bidez (2006ko azaroaren 14ko 217. EHAA) deitutako lekualdatze-lehiaketan parte hartu zuten eta XI. eranskineko 1.3., 1.4., 2.1. eta 2.2. atalen eta ondorengoetarako baremoko XII. eranskineko 1.2., 1.3, 1.4., 2.1. eta 2.2. atalen behin-betiko puntuazioari eutsi nahi dioten lehiatzaile horiek, deialdiaren oinarriek bere egunean xedatzen dutenaren kalterik gabe, eskaeraren dagokion atalean ([Aurreko deialdiaren puntuazioa](#)) adieraziko dute eta atal horietan emandako puntuazio bera emango zaie. Kasu horretan ez dute argudiatutako merezimenduetako bat bera ere egiaztatu beharko.

Barematzearekin ados dauden arren barematutakoei merezimendu berriak gehitu nahi dizkieten horien kasuetan, [Merezimendu berriak gehitu](#) laukia markatuko dute eskaeran eta aurreko lehiaketan parte hartzeko eskaerak aurkezteko epeak bukatu ondoren hobetutako merezimenduak erakutsi beharko dituzte, ez besterik. Ez da beste merezimendurik onartuko.

2006ko urriaren 26ko aginduaren (2006ko azaroaren 14ko 217. EHAA) bidez deitutako aurreko lehiaketan parte hartu ez duten, parte hartzeari uko egin zioten edo esleitutako puntuazioa aldatu nahi duten funtzionario horiek dokumentazio guztia aurkeztu beharko dute, baloratua izateko. Horretarako, [Baremazio berria](#) dagokion laukia markatu beharko dute eskaeran.



Lehiatzaileak adierazitako hiru aukeretako bat bera ere adierazten ez badu, barematze berriaren aldeko aukera egiten duela interpretatuko da.

Agirien konpultsatzea:

Merezimenduak justifikatzeko agiri guztiek konpultsatzearen eginbidea eraman beharko dute.

GARRANTZITSUA

1. Gogorarazi behar da parte hartzeko eskaerarekin batera, ezarritako epearen barruan, aurkeztu behar dela alegatzen diren merezimenduak justifikatzeko dokumentazioa. Epeak bukatu ondoren, ez da inolako dokumentaziorik onartuko.

2. Eskaera betetzean ahalik eta arretarik handiena ipintzeko eskatzen da, akatsak, eskaeren atalean batez ere, izan ez daitezten. Gogoan izan ondorengo laukiak izan behar dituela, derrigorrean, ikastetxe-eskaera batek:

- **8** zenbaki-kode + “C” letra (9 zenbaki herriaren kasuan)
- **3** lauki espezialitaterako
- **Lauki 1** hizkuntz eskakizunerako (**A, C ala D**)
(Musika eta Arte Eszenikoko katedradun eta irakasleen kidegoentzako izan ezik, **A, B, C, D, ala E** izango da)

Eskaerak osatu besterik ezin izango dira egin, **INOLA ERE EZ** aldatu edo berriak sartu.